

傷寒證辨

表熱裏熱陰熱陽熱

發熱翕翕無休止時外覆之表熱也發熱蒸蒸如炊籠內
越之裏熱也表熱尿白裏熱尿赤表熱無汗宜麻黃湯有
汗宜桂枝湯裏熱輕者宜涼膈散重者宜三承氣湯發熱
兼口燥舌乾煩渴者爲陽經之熱眞熱也宜白虎等湯發
熱兼厥冷下利清穀者爲陰經之熱假熱也宜四逆等湯

惡寒背惡寒

發熱惡寒發於陽表也有汗宜桂枝湯無汗宜麻黃湯無

傷寒證辨目錄

表熱裏熱陰熱陽熱

惡寒背惡寒

惡風

頭痛

項強

身痛

煩躁不眠懊憹

自汗頭汗

手足汗

潮熱時熱

譫語鄭聲

渴證

舌胎

胸脇滿痛

嘔證

往來寒熱如瘧寒熱

目眩耳聾

腹滿痛

吐證

熱利寒利

但欲寐

陰陽咽痛

氣上衝

饑不欲食

手足厥逆

少腹滿痛

神昏狂亂蓄血發狂

循衣摸牀

太陽陽邪停飲

太陽陰邪停飲

少陰陽邪停飲

少陰陰邪停飲

喘急短氣

心下悸

戰振慄

呃逆噦噫

結胸

痞鞭

發黃

斑疹

衄血

吐血

大小便膿血

頤毒

狐惑

百合

熱入血室

食復勞復

房勞復陰陽易

易愈生證

難治死證

與黃更烈則良
辨入血室
凝惡
大小更顯血
頭血
經黃
淋瀝

其愈主顯
食更受實
百合
閉毒
血
斑
容
頭



傷寒證辨

表熱裏熱陰熱陽熱

發熱翕翕無休止時外覆之表熱也發熱蒸蒸如炊籠內
越之裏熱也表熱尿白裏熱尿赤表熱無汗宜麻黃湯有
汗宜桂枝湯裏熱輕者宜涼膈散重者宜三承氣湯發熱
兼口燥舌乾煩渴者爲陽經之熱眞熱也宜白虎等湯發
熱兼厥冷下利清穀者爲陰經之熱假熱也宜四逆等湯
惡寒背惡寒

發熱惡寒發於陽表也有汗宜桂枝湯無汗宜麻黃湯無

熱惡寒發於陰裏也有汗宜桂枝加附子湯無汗宜麻黃
附子細辛湯背惡寒口中不燥而和屬少陰宜附子湯背
惡寒口中燥而渴屬陽明宜白虎加人參湯

惡風

風寒二者大率多相因而少相離有寒時不皆無風有風
時不皆無寒故三陽俱有惡寒惡風同見也惡風與惡寒
均屬表病法當從表然風屬陽寒屬陰故三陰經證有惡
寒而無惡風也

頭痛



三陽經頭痛身皆發熱法當從三陽治若不大便小便赤爲裏熱已實宜承氣湯下之若小便清白卽不大便爲裏熱未實表尙未清法當先從表治也厥陰頭痛多厥而無熱嘔吐涎沫是厥陰挾寒邪上逆也宜吳茱萸湯溫而降之三陰經無頭痛惟厥陰經有頭痛以其脈與督脈上會於巔也三陰經無發熱厥陰少陰亦有發熱謂之反發熱以其藏有相火陰盛格陽於外也

項強

項強太陽病也項背強太陽陽明病也脈浮無汗是從傷

寒傳來宜葛根湯脈浮有汗是從中風傳來宜桂枝加葛
根湯脈沉邪已入裏宜瓜蒌桂枝湯結胸項強背反張有
汗如柔痙之狀宜大陷胸丸但見太陽少陽併病之項強
不可汗下宜柴胡去半夏加瓜蒌主之

身痛

未汗身痛屬表實宜麻黃湯汗後身痛屬表虛宜桂枝新
加湯身痛尺脈遲是血少營氣不足雖未經汗亦不可發
汗宜建中湯加黃耆治之身痛見少陰沉脈四肢厥冷宜
附子湯身痛見厥陰厥逆汗出不止下利清穀宜四逆湯

一身盡痛不能轉側掣引煩痛是風濕病宜桂枝附子湯
煩躁不眠懊懣

身爲熱動而不安謂之躁心爲熱擾而不寧謂之煩煩則
擾於內屬陽躁則動於外屬陰若懊懣心中反覆顛倒煩
不得眠不與躁同見者皆無冷病惟躁則不然當分表裏
陰陽取治故太陽有不汗出之煩躁謂之在表大青龍證
也陽明有心下鞭之煩躁謂之在陽白虎湯證也三陰有
吐利手足厥之煩躁謂之在陰四逆輩證也諸煩無論汗
吐下之前後但大便不鞭者以竹葉石膏溫膽梔子豉等

湯主治便鞭者量其熱之淺深以白虎三承氣湯主治躁同三陰證見者便屬陰寒宜四逆理中吳茱萸湯主治

自汗頭汗

自汗在太陽謂之風邪桂枝湯證也在陽明謂之熱越白虎湯證也若大熱蒸蒸汗出過多宜用調胃承氣湯急下其熱以救其津也若更兼發熱下利不休內外兩脫屬凶如頭汗出劑頸而還則爲熱不得外越是以蒸於首也或因黃鬱未發或因濕家誤下或因水結胸蒸或因火劫熱迫或因陽明蓄血或因熱入血室當分門施治



手足汗

胃主四肢爲津液之主如熱聚於胃蒸其津液旁達於四肢故手足濺濺然汗出且小便自利胃中津液必乾大便必鞭本當攻也若中寒胃陽土虛脾不約束津液橫溢四肢故汗出而冷陽虛失運中寒不化故小便不利今雖便鞭而手足汗非爲熱越者比慎不可攻攻之必變生固瘕泄瀉澄清不止也

潮熱時熱

潮熱陽明府證也陽明旺於申酉故潮熱發於午後是可

下之證也發熱汗蒸蒸無休止時亦屬陽明內實可下之
證時熱謂發熱時輕時重而有自汗必不兼裏實可下之
證知風邪留連在表可用桂枝湯主治

譫語鄭聲

言語心之主也心氣實熱而神有餘則發爲譫語譫語爲
實故聲長而壯亂言無次數數更端也心氣虛熱而神不
足則發爲鄭聲鄭聲爲虛故音短而細只將一言重複呢
喃也凡譫語鄭聲與陽經同見者均屬熱證可以攻之與
陰經同見者總爲寒證可以溫之然雖與陽經同見而無

可攻之證不可攻之當清解也雖與陰經同見而無可溫之證不可溫之當清補也

渴證

渴病多因汗吐下傷其津液致令胃中乾燥故引飲也陽邪往乘三陰太陰則噎乾少陰則口燥厥陰則消渴亦屬熱傷津液也三陰之渴治法詳於三陰經內凡渴欲飲水者當少少與之以滋胃乾胃和則愈若恣意與飲之不但渴不能愈致水停留爲病太陽之渴用五苓散者以水停下焦小便不利故也陽明之渴用白虎者以胃熱飲水連

連不已也少陽寒熱往來等證已具心煩渴者用小柴胡湯以和解去半夏以避燥加花粉以生津液也

舌胎

舌者心之外候也色應紅澤爲無病若初感內外紅深則爲有熱外紅內紫則爲熱甚舌胎滑白則爲表寒其胎潮厚則爲傳少陽經也熱者宜辛涼汗之寒者宜辛溫汗之在少陽者謂胸中有寒丹田有熱也胸中指表也淺也丹田指裏也深也謂半裏之熱未成半表之寒猶在故舌白一證有寒有熱也若其胎滑厚與陰證脈同見乃藏虛寒

結以理中加枳實溫而開之若其胎乾薄與陽證脈同見
乃氣虛液竭以白虎加人參清而補之若白胎漸變黃色
此爲去表入裏其熱尙淺表不罷者宜三黃石膏湯已入
裏者宜涼膈散如焦乾黑色或芒刺裂紋此爲裏熱已深
宜梔子金花湯兼滿痛者宜大承氣湯紅火色也黑水色
也與三陽證見爲熱極反兼勝己之化清之下之尙可治
也若與三陰證見則爲水來尅火百無一生治者以生薑
擦之其黑色稍退急用附子理中四逆輩救之可生

胸脇滿痛

邪氣傳裏必先自胸入若脈浮惟胸滿而不及脇者仍屬太陽表分也宜麻黃湯因胸及脇而皆滿者屬少陽經也宜小柴胡湯若十餘日不解而胸脇滿兼乾嘔潮熱者是少陽兼有陽明也宜大柴胡湯加芒硝兩解之若表已解心下及腹引脇滿硬而痛乾嘔小便不利者是停飲內實也宜十棗湯攻之

嘔證

嘔病諸經皆有因何屬少陽也因表邪入來裏氣拒格上逆作嘔故屬少陽也宜小柴胡湯心下鞭而煩或不大便

